

Universitätsbibliothek Paderborn

**Illvstrissimi Viri Petri De Marca Archiepiscopi Parisiensis
Dissertationvm De Concordia Sacerdotii Et Imperii, Sev
De Libertatibvs Ecclesiæ Gallicanæ, Libri Octo**

Marca, Pierre de

Parisiis, 1669

VII. Patriarchatui Hierosolymorum adjectæ provinicæ, Principum rescriptis,
quæ ab Ecclesia Antiochena eas distraxerant. Contentio sopita
transactione Episcoporum. Quæ Decreto Iudicium & Synodi ...

urn:nbn:de:hbz:466:1-15591

cognitionem Patriarchæ detulit antequam consensum his rescriptis gratiosis præbeat. Sed nemo non videt his interpretationibus Imperatorem & Patriarcham vim apertam Canonibus intulisse, ut Ecclesiam Constantinopolitanam amplificarent.

V I. Mihi verò sincerior videtur esse canonis xvii. Chalcedonensis explicatio, quæ xii. sententiam non laedit, ita ut fixum sit & certum provincias à Principibus in duas metropoles dividi non posse ex illo canone xii. Quam ad rem non pertinet canon xvii. cùm eo id tantum cautum fuisse mihi videatur, ut si urbem aliquam de novo condederet Princeps, ad cuius conventum & jurisdictionem pagos aliquot è vicina civitate distractos adjungeret, civili formæ se ecclesiasticus ordo accommodaret; adeoque remota triginta annorum vel longioris temporis præscriptione, pagi à vicino Episcopo avulsi, Episcopo illi tribuerentur in cuius parœcia urbs nova sita est. Vnde sequitur ab Episcopo illius parœcia, in qua urbs condita est, pagos novæ urbis territorio contributos, & ab episcopatu vicino distractos vindicari, nulla possessionis antique ratione habita. Attamen non conceditur Principi ut novum episcopatum rescripto suo instituat; multò minus, ad omnes urbes quæ civitatis honore decoratae fuerint à Princeps, vel ad provinciarum divisiones & metropoleon dignitates ab eo decretas, trahenda essent; etiamsi de episcopatu à synodo instituendo in urbe de novo condita hæc dici possent juxta Zonaræ mentem.

V II. Partes suas Iudices & Concilium Chalcedonense interposuerunt in dirimenda contentione quæ orta erat à multis retro annis ob rescripta elicita ad instaurandum Patriarchatum Hierosolymorum. Quartus honoris gradus, post trium primarum sediū Episcopos, firmatus fuerat Ælia seu mavis Hierosolymitano Episcopo, canone vii. Concilij Nicæni. Sed nulla, ne in provinciis quidem Palæstina, quæ Cæsarea Episcopo parebant, auctoritate potitus est, donec rescriptis Principum Phœnicias, Arabiam, & tres Palæstinas à Patriarchatu Antiocheno avulsas obtinuit. Ea res magnos motus in illis provinciis excitavit, qui transactio sifiti sunt quam Maximus Antiochenus, & Iuvenalis Hierosolymitanus, in Concilio Chalcedonensi iniverunt; ea conditione, ut Phœnicia & Arabia Antiochenæ Ecclesia redderentur, sed Palæstina Hierosolymitano Episcopo cederent. De rescriptis ex utraque parte imperatis, de constitutis novis Diœceseon finibus, & de ordinationibus Episcoporum addicendis

agebatur. Itaque in re mixta, Decretum Principis & Concilij, transactioni firmande interponendum erat. Magistratus imperatorij referunt Concilio, sibi mandatum à Principe ut de lite mota cognoscerent, sed Episcopos pāta quadam inivisse quæ videantur æquitate nití, ideoque sibi visum ut communi Decreto firmentur. Recitatis à Maximo & Iuvenale transactionis conditionibus, Legati Romani ceterique Episcopii sua interlocutione, & postremo Iudices suo decreto eas confirmaverunt. Firmata etiam, inquit, per nostrum Decretum & sententiam sancti Concilij in omni tempore permanebit Episcoporum consensio, vacantibus scilicet secundum iussionem divinissimi & piissimi Principis omnibus pragmaticis, & quocunque modo sacris ab utraque parte literis impetratis; insuper & multatione que in eis, hujus rei causa, noscitur contineri.

C A P V T I X.

Synopsis.

I. Iustinianus in urbe Iustiniana archiepiscopatum constituit, adscriptis illi septem provinciis. Non confituit jus novum, sed antiquum partim restauravit. Vigilius Papa confirmare que Princeps decreverat. Episcopus Iustiniana, Patriarcha dicitur.

II. Iustinianopolis aut̄a quoque dignitate Patriarchali. Sed differt à Iustiniana. Est eadem urbs cum Constantiæ metropoli Cyri. Ea dignitas personalis collata Joanni Episcopo à Synodo Trullanæ, consenſu Imperatoris.

III. Vtique Ponto in unam provinciam redato, nibil immutavit Iustinianus quoad sacerdoria. Nec etiam in Paphlagonia. Solida illius provincie metropolis erat urbs Gangram, regia Dejotari. Ea immutata, nova Honoriadis provincia constituta est, cum sua metropoli Claudiopoleos. Rediit in unum corpus Paphlagonia, utraq[ue] metropoli salva. Videatur aliquando Paphlagonia adjuncta fuisse Galatia.

IV. Ecclesia Galicana non passa est à Regibus novos episcopatus institui, quod tentaverat Childebertus Meledunus, ad petitionem plebis.

V. Et Sigibertus id fieri obtinuerat Castroduni in diœcesi Carnotena, quod refessum à Synodo Parisiensis.

VI. Rogerius in Sicilia episcopatum Troinensem instituit, Messanensi à se restaurato adjunxit, sed Summi Pontificis auctoritate. Vt Otto Gnesnensem in Polonia.

VII. Damnata opinio corum qui hoc jus Principibus vindicant. Eorum tamen consensus necessarius.

I. **V**STINIANUS Imperator videtur canones Concilij Chalcedonensis infregisse, cùm Iustiniana patriæ suæ episcopatum in summum sacerdotij fastigium evexit, Archiepiscopi dignitate & auctoritate in septem provincias illi concessa, nempe in